

欽定四庫全書

子部

巢氏諸病源候總論卷三十六至



詳校官太醫院恩糧臣孔毓秀

編修臣倉聖脈覆勘

巢氏諸病源候總論

巢氏諸病源候總論卷三

六

隋 巢元方 撰

獸毒病諸候

凡四論

馬齒喻人候

人被馬齒咬及馬骨所傷皆為

毒瘡若腫痛收煩悶是毒入腹亦斃人

馬毒入源候

巢氏諸病源候總論

巢氏諸病源候總論

一

凡人先有瘡而乘馬汗并馬毛垢及馬屎尿及坐馬皮
鞵並能有毒毒氣入瘡致焮腫疼痛煩熱毒入腹亦斃
人

獠狗噬候

凡獠狗噬人七日輒一發過三七日不發則無苦也要
過百日方大免耳當終身禁食犬肉及蠶蛹食此發則
死不可救矣瘡未愈之間禁食生魚猪雞臙過一年禁
之乃佳但於飲下飯蒸魚及於肥器中便發若人曾食

落葵得犬啣者自難治若瘡瘥十數年後食落葵便發
狗啣重發候

凡被狗啣瘡忌食落葵及狗肉云雖瘥經一二年但食
此者必重發重發者與初被啣不殊其獠狗啣瘡重發
則令人狂亂如獠狗之狀

蛇毒病諸候 凡五論

蛇螫候

凡中蛇不應言蛇皆言蟲及云地索勿正言其名也惡

蛇之類甚多而毒有瘡劇時四月五月中青蛙三角蒼
虺白頸大蜴六月七月中竹狩艾蝮黑甲赤目黃口反
鈎白蛙三角此皆蛇毒之猛者中人不即治多死又有
赤連黃領之類復有六七種而方不盡記其名水中黑
色者名公螭山中一種亦相似不常間螫人又有鈎蛇
尾如鈎能倒牽人獸入水沒而食之又南方有啣蛇人
忽傷之不死終身伺覓其主不置雖百人衆中亦直來
取之惟遠去出百里乃免耳又有拖蛇長七八尺如船

拖狀毒人必死即削取船舵煮汁漬之便瘥但蛇例雖多今皆以青條矯尾白頸艾蝮其毒尤劇大者中人若不即治一日間舉體洪腫皮肉坼爛中者尚可得二三日也凡被蛇螫第一禁第二藥無此二者有全劑雄黃麝香可預辦故山居者宜令知禁法也又惡蛇螫者人即頭解散言此蛇名黑帝其瘡冷如凍凌此大毒惡不治一日即死若頭不散此蛇名赤帝其毒小輕瘡上冷不治故得七日死凡蛇瘡未愈禁熟食熟食便發治之

依初被螫法也

蝮蛇螫候

凡蝮中人不治一日死若不早治之縱不死者多殘斷
人手足蝮蛇形乃長頭扁口尖頸斑身亦艾斑色青黑
人犯之頸腹帖著地者是也江東諸山甚多其毒最烈
草行不可不慎又有一種狀如蝮而短有四脚能跳來
嚙人名曰千歲蝮中人必死然其嚙人竟即跳上樹作
聲云斫木者但營棺具不可救若云擣菽者猶可治吳

音呼藥為菽故也

虺螫候

虺形短而扁身亦赤黑色山草自不甚多每六七月
夕時出路上喜入車轢中令車轢腹破而子出人侵晨
及冒昏行者每傾意看之其螫人亦往往有死者

青蛙蛇螫候

青蛙蛇者正綠色喜綠樹及竹上自掛與竹樹色一種
人看不覺若入林中行有落人項背上者然自不傷齧

人齧人 而蛇無正形極大者不過四五寸世人皆呼為青條蛇言其與枝條同色乍看難覺其尾二三寸色黑者名蝟尾毒最猛烈中人立死

蝟毒候

此是諸毒蛇夏日毒盛不泄皆齧草木及吐毒著草木上人誤犯著此者其毒如被蛇螫不殊但瘡腫上有物如蟲蛇眼狀以此別之名為蝟毒

雜毒病諸候 凡十四論

蜂螫候

蜂類甚多而方家不具顯其名惟地中大土蜂最有毒一螫中人便即倒悶舉體洪腫諸藥治之皆不能卒止舊方都無其法雖然不肯殺人有禁術封唾亦微効又有瓠瓢蜂抑亦其次餘者猶瘥

蠍螫候

此蟲五月六月毒最盛云有八節九節者彌甚螫人毒勢流行多至牽引四支皆痛過一周時始定

蠱螫候

陶隱居云蠱蟲方家亦不能的辯正云是蠃蜓子或云
是小烏蟲尾有兩歧者然皆恐非也疑即是蠹蠹尾歧
而曲上故周詩云彼都人士拳髮如蠹

蜈蚣螫候

此則百足蟲也雖復有毒而不甚螫人人誤觸之者故
時有中其毒

蜈蚣著人候

江東及嶺南無處不有蜺蝥。蜺蝥乃是兩種物。蜺者在草裏，名為山蜺，在水裏，名馬蜺，皆長四五寸許，黑色。身滑，人行涉山水，即著人肉，不甚痛，而癢，兩頭皆能啣人血。血滿腹，便自脫地，無甚毒害。蝥者無不背作文理，粗澀多著龜螺殼上，若著人肉，即於肉裏生子，乃至十數枚。經日便腫癢，隱軫起，久久亦成瘡癩。

石蛭螫人候

山中草木及路上石上石蛭，著人則穿齧肌皮，行人肉

中浸淫起瘡灸斷其道則愈凡行山草之中常以膏和藥塗足脛則蛭不得著人

蠶齧候

蠶既是人養之物性非毒害之蟲然時有齧人者乃令人增寒壯熱經時不瘥亦有因此而致斃斯乃一時之怪異救解之方愈

甘鼠齧候

此即鼯鼠也形小而口大多食傷牛馬不甚痛云其口

甜故名甘鼠時有齧人者

諸魚傷人候

魚類甚多其鮪魮鮫鮓之徒鬻骨芒刺有毒傷人則腫痛

惡蠅齧候

蠅房中切

惡蠅一名滿大如毒蟬似蝗無尾前有兩角觸後則傍後觸前則却行生於樹皮內及屋壁間又喜在紙書內圓似榆莢其色赤黑背橫理二月生十月蟄螫人惟以

三時五月六月七月尤毒初如炮狀中央紫黑大如粟粒四旁微腫焮焮色赤或有青色者癢喜搔之若飲酒房室近不過八九日遠不過十餘日爛潰為膿汁亦殺人

狐尿刺候

云是野狐尿棘刺頭有人犯之者則多中於手指足指腫痛焮熱有端居不出而著此毒者則不必是狐尿刺也蓋惡毒氣耳故方亦云惡刺毒者也

蚝蟲螫候

此則樹上蚝蟲耳故名蚝毛此毒以其毛刺能螫人蓋輕不至深斃然亦甚痛螫處作軫起者是也

蠖蝮尿候

蠖蝮蟲云能尿人影即令所尿之處慘痛如芒刺亦如蚝蟲所螫然後起細痞瘰作聚如茱萸子狀其痞瘰徧赤中央有白膿如粟粒亦令人皮肉拘急惡寒壯熱極者連起多著腰脇及胃若繞腰匝徧者重也